



REPUBLIKA E KOSOVES / REPUBLIKA KOSOVA / REPUBLIC OF KOSOVO	
AGJENCIA KUNDËR KORRUPSIONIT / AGENCIJA PROTIV KORRUPCIJE / ANTI-CORRUPTION AGENCY	
Dep. DPKI	Nr. Prot. 06-01/1710/21
Dep. DPKI	Prot. No. 06-07-2021
Nr. lfaq. 04	Data 06-07-2021
Broj stranica 04	Datum 06-07-2021
Nr. pages 04	Dati 06-07-2021



**Republika e Kosovës**  
**Republika Kosova - Republic of Kosovo**

**AGJENCIA KUNDËR KORRUPSIONIT**  
**AGENCIJA PROTIV KORRUPCIJE**  
**ANTI - CORRUPTION AGENCY**

Në mbështetje të nenit 5 paragrafi 1, nën-paragrafi 1.5, nenit 11 paragrafi 1, nën-paragrafi 1.1, nenit 18 paragrafi 10 dhe 11 të Ligjit nr. 03/L-159 për Agjencinë kundër Korrupsionit, si dhe nenit 7 paragrafi 4 të Rregullores nr. 01/2018, për Ndryshimin dhe Plotësimin e Rregullores Nr. 01/2014 dhe Rregullores Nr. 01/2017 të Punës së Agjencisë kundër Korrupsionit, Drejtori i Agjencisë kundër Korrupsionit, me datë 05.07.2021, nxjerrë këtë:

**V E N D I M**

- I. Mbyllet rasti Nr. AKK-DPKI-06-214/21, për zyrtarin e lartë z. Burim Gashi, u.d. i Drejtorit të Departamentit të Arsimit të Lartë në Ministrinë e Arsimit, Shkencës dhe Teknologjisë (MASHT), për shkak se është shmangur gjendja papajtueshmërisë, përkatësisht konfliktit të interesit në ushtrimin e funksionit publik.
- II. Rasti mund të rihapet në çdo kohë në çdo kohë në rast se paraqiten rrethana të reja.

**A r s y e t i m**

Rasti i hapur nën dyshimin për konflikt interesi në ushtrimin e funksionit publik për zyrtarin e lartë publik z. Burim Gashi, është trajtuar sipas procedurës së paraparë me Ligjin nr. 06/L-011, për Parandalimin e Konfliktit të Interesit në Ushtrimin e Funksionit Publik (në vijim: Ligji për Parandalimin e Konfliktit të Interesit).

I. Ky rast ka filluar të trajtohet pas informatës së pranuar nga jashtë, me pretendimin për dyshime për ekzistimin e konfliktit të interesit në rastin e z. Burim Gashi u.d. Drejtorit të Departamentit të Arsimit të Lartë në Ministrinë e Arsimit, Shkencës dhe Teknologjisë (në vijim: u.d. drejtor i DAL në MASHT), pasi që i njëjti ishte i angazhuar edhe në "Kolegjin UBT".

Agjencia kundër Korrupsionit fillimisht ka bërë verifikimin dhe konfirmimin e këtij informacioni në institucionet përkatëse, prej nga rezultonte se z. Burim Gashi, krahas ushtrimit të funksionit si zyrtar i lartë publik, respektivisht u.d. drejtor i DAL në MASHT, është ligjërues i angazhuar në "Kolegjin UBT" dhe Fakultetin e Arteve të Universitetit të Prishtinës "Hasan Prishtina" (Fakultetin e Arteve të UP-së).

Në pajtim me nenin 22, paragrafin 3 dhe 5 të Ligjit për Parandalimin e Konfliktit të Interesit, Agjencia kundër Korrupsionit, përmes shkresës zyrtare DPKI-06-303/21, e ka njoftuar zyrtarin e lartë lidhur me fillimin e procedurës për shqyrtimin e gjendjes së konfliktit të interesit.

Pas pranimit të kësaj shkrese nga pala, është realizuar një takim brenda Agjencisë kundër Korrupsionit me zyrtarin, me ç'rast i njëjti është ballafaquar me informacionet dhe faktet që posedon Agjencia kundër Korrupsionit, lidhur me pretendimin e ngritur për mundësin e konfliktit të interesit në rastin konkret.

Në takim me zyrtarin e lartë z. Burim Gashi, pos tjerash janë diskutuar dhe sqaruar detyrat dhe përgjegjësit e tij në cilësinë e u.d. drejtor i DAL në MASHT, veçanërisht faktin që (u.d.) drejtori i DAL në MASHT, pranon raportin me të dhëna të përgjithshme të bartësve të institucioneve të arsimit të lartë publik, privat dhe të partneritetit publiko-privat, ashtu siç është përcaktuar në nenin 13 të Udhëzimit Administrativ (MASHT) nr. 13/2018 për Sistemin e Menaxhimit të Informatave në Arsimin e Lartë, ku “*Me rastin e përfundimit të të gjitha afateve ligjore të parapara në këtë UA, zyrtari përgjegjës për SMIAL<sup>1</sup> brenda afatit prej pesë (5) ditësh pune harton dhe dorëzon raportin për të dhënat e përgjithshme të IAL. Raporti bëhet për drejtorin e departamentit të arsimit të lartë dhe komisionin për licencim të BPRAL<sup>2</sup>”*

Veç tjerash, neni 14 i UA-së, parasheh edhe masa ndëshkuese “*Për IAL që nuk kanë raportuar të dhënat e regjistrimit të studentëve sipas afateve të caktuara në këtë UA, drejtori i Departamentit të Arsimit të Lartë, shkencës dhe teknologjisë dhe komisioni për licencim rekomandon Sekretarin e MASHT për marrjen e masave si në vijim:*

*1.1 Mosverifikimi i dokumenteve të studentëve të IAL.*

*1.2 Tërheqja e licencës.*

Gjithashtu, gjate takimit, zyrtari i lartë është njoftuar se në bazë të nenit 10, paragrafi 2 i Ligjit për Parandalimin e Konfliktit të Interesit, tek ‘*Ushtrimi i punëve tjera nga zyrtari*’, përcaktohet se, “[...] 2. Gjatë kohës së ushtrimit të funksionit publik, zyrtari mund të ushtrojë punë nga lëmi i shkencës, sportit, arsimit, kulturës dhe veprimtarisë humanitare, nëse nuk parashihet ndryshe me ligje të tjera, [...]”, por, për arsyet e cekura më lartë, në rastin konkret aplikohen ndalesat e përcaktuara në nenin 11 të Ligji për Parandalimin e Konfliktit të Interesit.

Pra, z. Gashi, duke ushtruar funksionin e u.d. drejtor i DAL në MASHT dhe njëherit duke qenë i angazhuar edhe në institucione të arsimit të lartë të cilat përmes platformës SMIAL raportojnë tek drejtori i DAL në MASHT, nënkupton që z. Burim Gashi trajton (vendosë) për raporte të rëndësishme të punëdhënësve<sup>3</sup> të tij, përkatësisht “Kolegjit UBT” dhe Fakultetit të Arteve të UP-së, situatë kjo e cila bie ndesh me dispozitat e nenit 11 të Ligjit për Parandalimin e Konfliktit të Interesit, ku tek ‘*Punët e ndaluara për zyrtarin*’, ka përcaktuar si në vijim:

*1. Zyrtarit i ndalohet që të kryejë punë të tjera nëse:*

*1.1. mund të keqpërdorë informacionin zyrtar për interesa private;*

*1.2. punët e tilla mund të ndikojnë në paanshmërinë e ushtrimit të detyrës publike dhe cenojnë respektimin e parimeve të konkurrencës së lirë;*

*1.3. angazhime të tilla mund të dëmtojnë reputacionin e institucionit;*

<sup>1</sup> Sistem për Menaxhimin e Informatave në Arsimin e Lartë - Platforme për regjistrimin, grumbullimin, ruajtjen, mbrojtjen dhe raportimin e të dhënave statistikore që shërbejnë si bazë për hartimin dhe monitorimin e politikave në arsimin e lartë.

<sup>2</sup> Bartësit Privat të Arsimit të Lartë.

<sup>3</sup> I punësuar me kontratë për angazhim me honorar.

Prandaj, në takim pala është njoftuar për ndalesat dhe kufizimet ligjore sa i përket angazhimit të tij në “Kolegjin UBT” dhe Fakultetin e Arteve të UP-së, krahas ushtrimit të funksionit si zyrtar i lartë publik, përkatësisht u.d. drejtor i DAL në MASHT, dhe me këtë rast i njëjti është udhëzuar për veprimet që duhet t’i ndërmarr në mënyrë që ta shmang gjendjen e papajtueshmërisë, përkatësisht konfliktin e interesit në ushtrimin e funksionit publik.

Zyrtari i lartë z. Burim Gashi është pajtuar me gjetjet e Agjencisë dhe është zotuar se do të ndërmarr veprime konkrete, në mënyrë që të shmangë papajtueshmërinë, përkatësisht konfliktin e interesit në ushtrimin e funksionit publik.

Mëpas, zyrtari i lartë z. Burim Gashi, konform nenit 19, paragrafi 1, nën-paragrafi 1.3 të Ligji për Parandalimin e Konfliktit të Interesit, (përmes shkresës zyrtare DPKI-06-303-1/21) ka njoftuar Agjencinë kundër Korrupsionit se ka dhënë dorëheqje nga pozita e Ligjëruesit në “Kolegjin UBT” (Aktvendimi i “Kolegjit UBT” Nr. 844/43-01 për ndërprerjen e marrëdhënies së punës me dorëheqje), përkatësisht nuk është më pjesë e Fakultetit të Arteve në UP (shkresës zyrtare DPKI-06-303-1/21).

Andaj, Agjencia kundër Korrupsionit konstatoi se me veprimet që i ka ndërmarrë zyrtari i lartë, është shmangur gjendja papajtueshmërisë, përkatësisht konfliktit të interesit në ushtrimin e funksionit publik.

Gjithashtu, Agjencia kundër Korrupsionit, ka udhëzuar zyrtarin e lartë se në cilësinë e u.d. drejtor i DAL në MASHT, gjithnjë duhet t’i ketë parasysh dispozitat e Ligjit për Parandalimin e Konfliktit të Interesit, ligjet dhe aktet tjera nënligjore relevante si dhe kodin respektiv të etikës në institucionet ku punon, në situatat e ngjashme në të ardhmen, veçanërisht sa i përket deklarimit të konfliktit të interesit “rast për rast”, i cili posaçërisht do të paraqitet për trajtim nga cilido bartës i institucioneve të arsimit të lartë, të cilat kanë qenë punëdhënës të zyrtarit të lartë. Për këto situata, Ligji për Parandalimin e Konfliktit të Interesit, me dispozitat e nenit 17, ka paraparë rastet e deklarimit të konfliktit të interesit “rast për rast”, si në vijim:

1. Çdo zyrtar gjatë ushtrimit të funksionit të tij publik, në bazë të njohurive të tij dhe në mirëbesim, detyrohet që të bëjë vetë deklarimin paraprak, rast për rast, të ekzistencës së interesit të tij privat ose të personave të afërm me të lidhur me vendimmarrjen në një çështje të caktuar, që mund të bëhet shkak për lindjen e një konflikti të interesit dhe të tërhiqet nga kjo vendimmarrje.
2. Deklarimi rast për rast i interesave private bëhet çdo herë nga zyrtari, kur kjo kërkohet nga udhëheqësi ose nga institucioni udhëheqës apo mbikëqyrës. Deklarimi, si rregull, duhet kërkuar dhe bërë paraprakisht. Kur kjo nuk është e mundur ose kur nuk ka ndodhur, deklarimi duhet të kërkohet të bëhet sa më shpejt që të jetë e mundur por jo më vonë se tridhjetë (30) ditë nga data e kërkesës ose e konstatimit të konfliktit të interesit.
3. Vetë deklarimi ose deklarimi me kërkesë si rregull bëhet me shkrim, kur zyrtari përfshihet në një vendimmarrje për ndonjë çështje të caktuar.
4. Për çdo rast të shfaqjes së një konflikti rast për rast të interesit, institucioni punëdhënës regjistron identitetin e zyrtarit, interesat private të tij, shkak për një konflikt interesi dhe konfliktin apo papajtueshmërinë e konstatuar, palët e interesuara, burimin e informatave, si dhe vendimet e marra për parandalimin, trajtimin dhe zgjidhjen e tyre.

5. Deklaratat për interesat private dhe të gjitha dokumentet që i shoqërojnë konsiderohen dokumente zyrtare.

Nga sa u tha më lartë, u vendos si në dispozitiv të këtij vendimi.

II. Në mbështetje të nenit 18 paragrafi 11, të Ligjit nr. 03/L-159 për Agjencinë kundër Korrupsionit, Agjencia mund të rihapë rastin në çdo kohë nëse paraqiten rrethana të reja.

Vendimi iu dërgohet:

- Zyrtarit të lartë publik
- Drejtorit të DPKI- së
- Z./znj. (zyrtari përgjegjës)

Shaip Havolli  
Drejtor i Agjencisë kundër Korrupsionit

